

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
K.J.U. "GERONTOLOŠKI CENTAR"



BOSNIA AND HERZEGOVINA
FEDERATION OF BOSNIA AND HERZEGOVINA
CANTON OF SARAJEVO
C.P.I. "GERONTOLOGY CENTER" SARAJEVO

**PRAVILA O IZMJENAMA I DOPUNI
PRAVILA O KUĆNOM REDU
KANTONALNE JAVNE USTANOVE
„GERONTOLOŠKI CENTAR“**

Sarajevo, juni 2019. godine

Na osnovu člana 37. stav 2. Zakona o ustanovama („Službeni list RBiH“, broj: 6/92, 8/93 i 13/94), člana 76. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona sarajevo“ br. 38/14 – Prečišćeni tekst, 38/16, 44/17 i 28/18), člana 42. stav (2), alineja k) i člana 61. Pravila Kantonalne javne ustanove „Gerontološki centar“, broj: 07-1070/13 od 26.11.2013.godine, vršilac dužnosti direktora Kantonalne javne ustanove „Gerontološki centar“ Sarajevo, donosi

**PRAVILA O IZMJENAMA I DOPUNI
PRAVILA O KUĆNOM REDU
Kantonalne javne ustanove „Gerontološki centar“**

Član 1.

- (1) U Pravilima o kućnom redu Kantonalne javne ustanove “Gerontološki centar”, broj: 12-1678-1/18 od 28.12.2018.godine, u članu 25., stav (1), mijenja se i glasi:

„(1) Posjete korisnicima usluga su svakog dana u vremenu od 10:00 do 18:00 sati, osim za korisnike usluga smještene u stacionaru, gdje su posjete dozvoljene svakog dana u vremenu od 13:00 do 18:00 sati.“

- (2) U istom članu 25., iza stava (1) dodaje se novi stav (2) i glasi:

„(2)Zabrana posjeta korisnicima usluga je na snazi u vrijeme epidemije gripe ili epidemije neke druge bolesti u Kantonu Sarajevo, proglašene od strane Zavoda za javno zdravstvo Kantona Sarajevo.“

- (3) Dosadašnji stavovi (2) i (3) u članu 25., postaju stavovi (3) i (4).

Član 2.

Ova Pravila o izmjenama i dopuni Pravila o kućnom redu Kantonalne javne ustanove “Gerontološki centar” stupaju na snagu narednog dana od dana objavljivanja na oglasnoj ploči Gerontološkog centra.

Broj: 13- 901 /19.

Sarajevo, 21.06.2019.godine



V.D. DIREKTOR

Mr. Zijad Memišević

OBRAZLOŽENJE

PRAVNI OSNOV

Pravni osnov za donošenje Pravila o izmjenama i dopuni Pravila o kućnom redu Kantonalne javne ustanove „Gerontološki centar“ nalazi se u odredbi člana 37. stav 2. Zakona o ustanovama („Službeni list RBiH“ broj:6/92, 8/93 i 13/94), kojom je utvrđeno da ustanova može imati i druge opšte akte, u skladu sa zakonom, kolektivnim ugovorom i pravilima ustanove. Pravni osnov je sadržan i u odredbi člana 76. Zakona o socijalnoj zaštiti, zaštiti civilnih žrtava rata i zaštiti prodoice sa djecom („Službene novine Kantona Sarajevo“-Prečišćeni tekst, br. 38/14, 38/16, 44/17 i 28/18), koji propisuje, između ostalog, obavezu ustanova da svojim aktom utvrde između ostalog i pitanja organizovanja rada u skladu sa Zakonom o ustanovama i ovim zakonom. Pravni osnov za donošenje se nalazi i u članu 42. stav (2), alineja k) Pravila Kantonalne javne ustanove „Gerontološki centar“, broj: 07-1070/13 od 26.11.2013.godine, kojim se propisuje pravo i obaveza direktora da donosi određene akte Gerontološkog centra, kao i u članu 61. Pravila, kojim je propisano da Pravila o kućnom redu donosi direktor Gerontološkog centra.

RAZLOZI DONOŠENJA

Članom 25. Pravila o kućnom redu Kantonalne javne ustanove „Gerontološki centar“, broj: 12-1678-1/18 od 28.12.2018.godine, je u stavu (1) propisano vrijeme posjete korisnicima usluga svakog dana od 10:00 do 18:00 sati, osim kada je na snazi zabrana posjeta zbog epidemije gripe u Kantonu Sarajevo, proglašene od strane Zavoda za javno zdravstvo Kantona Sarajevo.

Obzirom da su u stacionaru ustanove smješteni najteži bolesnici koji zahtijevaju pojačanju zdravstvenu zaštitu i njegu, vrijeme posjete od 10:00 sati se u dosadašnjoj praksi i radu Službe zdravstvene zaštite i njege pokazalo kao ometajući faktor i neadekvatno vrijeme za posjetu srodnika. Nakon analize svih razloga zbog kojih vrijeme posjete korisnicima usluga u stacionaru nije adekvatno utvrđeno, odlučeno je da se ovo vrijeme pomjeri od 13:00 sati, kada se završi najveći dio posla oko zdravstvene njege korisnika (kupanje, presvlačenje, promjena posteljine i dr.).

Slijedom navedenog bilo je neophodno da se u članu 25. Pravila o kućnom redu KJU „Gerontološki centar“, izvrše odgovarajuće izmjene i dopuna, tako da se posjeta korisnicima usluga u stacionaru propiše u vremenu od 13:00 do 18:00 sati.

IZVOD IZ ZAKONA O USTANOVAMA („Službeni list RBiH“ broj:6/92, 8/93 i 13/94)

Član 37.

Osnovni opšti akt ustanove odnosno obaveznog oblika udruživanja su pravila ustanove odnosno pravila obaveznog oblika udruživanja.

Ustanova može imati i druge opšte akte, u skladu sa zakonom, kolektivnim ugovorom i pravilima ustanove.

IZVOD IZ PRAVILA
KANTONALNE JAVNE USTANOVE „GERONTOLOŠKI CENTAR“
(Broj: 07-1070/13 od 26.11.2013.godine)

Član 42.

(1) Direktor Gerontološkog centra organizuje i rukovodi radom Gerontološkog centra, vodi poslovanje Gerontološkog centra, samostalno donosi odluke iz svoje nadležnosti, zastupa i predstavlja Gerontološki centar u skladu sa Pravilima i odgovoran je za rezultate rada Gerontološkog centra.

(2) U ostvarivanju prava i obaveza u rukovođenju Gerontološkim centrom direktor:

- a) organizuje i rukovodi radom Gerontološkog centra,
- b) zastupa i predstavlja Gerontološki centar i u njegovo ime zaključuje ugovore u zemlji i inostranstvu,
- c) poduzima sve pravne radnje u ime i za račun Gerontološkog centra,
- d) zastupa Gerontološki centar u svim postupcima pred sudovima, upravnim i drugim državnim organima, te pravnim osobama sa posebnim ovlaštenjima u zemlji i inostranstvu,
- e) vodi poslovanje Gerontološkog centra i samostalno donosi poslovne odluke,
- f) predlaže osnovne poslovne politike, programa rada i razvoja i preduzima mjere za njihovo provođenje,
- g) podnosi pismene izvještaje Upravnom odboru o radu i finansijskom poslovanju Gerontološkog centra, a najmanje jednom godišnje,
- h) provodi i organizuje provođenje odluka Upravnog odbora,
- i) predlaže Upravnom odboru donošenje, odnosno izmjenu ili dopunu Pravila i ostalih opštih i drugih akata Gerontološkog centra,
- j) predlaže unutrašnju organizaciju Gerontološkog centra,
- k) donosi određene akte Gerontološkog centra,**
- l) imenuje i razrješava rukovodioce organizacionih jedinica,
- m) zaključuje ugovore o radu i odlučuje o prestanku ugovora o radu, te pravima, obavezama i odgovornostima zaposlenika iz radnog odnosa, u skladu sa zakonom i drugim opštima aktima Gerontološkog centra,
- n) preduzima mjere u oblasti obezbjeđenja i sigurnosti, zaštite na radu, zaštite i unaprijeđenja životne okoline u skladu sa zakonom i drugim opštima aktima Gerontološkog centra,
- o) odobrava službena putovanja,
- p) formira stručni organ i komisije kao pomoć u izvršavanju poslova i zadataka Gerontološkog centra,
- q) učestvuje u radu Upravnog odbora bez prava glasa,
- r) obezbjeđuje zakonitost rada i poslovanja Gerontološkog centra,
- s) obavlja i druge poslove utvrđene zakonom, ovim Pravilima i drugim aktima Gerontološkog centra.


Član 61.

Pravila o kućnom redu donosi direktor Gerontološkog centra.

Pravila o izmjenama i dopuni Pravila o kućnom redu Kantonalne javne ustanove „Gerontološki centar“, broj: 13-901/19 od 21.06.2019.godine, su dana 26.06.2019 objavljena na oglasnoj ploči Gerontološkog centra, te su dana 27.06.2019. stupila na snagu.

Sarajevo, 26.06.2019.

Šef Službe za pravne i opće poslove


Karić Anžera